



**JAMHURI YA MUUNGANO WA TANZANIA
BUNGE LA TANZANIA**

ORODHA YA SHUGHULI ZA LEO

MKUTANO WA ISHIRINI

KIKAO CHA KUMI NA NNE

23 JUNI 2010



ORODHA YA SHUGHULI ZA LEO

MKUTANO WA ISHIRINI

KIKAO CHA KUMI NA NNE – TAREHE 23 JUNI, 2010

I. HATI ZA KUWASILISHA MEZANI:

WAZIRI WA MAJI NA UMWAGILIAJI:

Hotuba ya Bajeti ya Waziri wa Maji na Umwagiliaji
kwa Mwaka wa Fedha 2010/2011.

MWENYEKITI WA KAMATI YA KILIMO, MIFUGO NA MAJI:

Taarifa ya Kamati ya Kilimo, Mifugo na Maji kuhusu
utekelezaji wa majukumu ya Wizara ya Maji na
Umwagiliaji kwa Mwaka wa Fedha 2009/2010
pamoja na maoni ya Kamati kuhusu Makadirio ya

Mapato na Matumizi kwa Mwaka wa Fedha wa 2010/2011.

**MSEMAJI MKUU WA KAMBI YA UPINZANI
KUHUSU WIZARA YA MAJI NA UMWAGILIAJI:**

Taarifa ya Msemaji Mkuu wa Kambi ya Upinzani kuhusu Makadirio ya Matumizi ya Wizara ya Maji na Umwagiliaji kwa Mwaka wa Fedha 2010/2011.

**WAZIRI WA MAENDELEO YA MIFUGO NA
UVUVI:**

Randama za Makadirio ya Matumizi ya Wizara ya Maendeleo ya Mifugo na Uvuvi kwa Mwaka wa Fedha 2010/2011.

II. MASWALI:

OFISI YA WAZIRI MKUU:

**96. MHESHIMIWA HALIMA JAMES MDEE
(VITI MAALUM):**

Atamuuliza Mheshimiwa Waziri Mkuu:- Ni muda mrefu sana umepita tangu Serikali ilipoahidi kuweka njia mbadala kwa wakazi wa mitaa ya Ubungo Kibangu kufuatia njia iliyokuwa ikitumika kuzolewa na maji kwa sababu ya kuwa pembezoni mwa Mto Gide na kwamba, Kamati ya Bunge ya Hesabu za Serikali za Mitaa ilitembelea eneo hilo katika kipindi cha miaka minne (4) iliyopita na kuahidi kuishauri Serikali kuchukua hatua za haraka kutengeneza njia kwenye eneo husika, ushauri ambao waliutekeleza kikamilifu:-

- (a) Je, ni lini sasa ahadi hiyo itatekelezwa;
- (b) Je, Serikali ina mpango wowote wa kukarabati eneo lililomegwa karibu na Daraja la Mto Gide ambalo ndio kiunganishi kati ya Ubungo, Tabata na Buguruni ili kuepusha maafa kwa wakazi wa maeneo hayo, na kama mpango huo upo utaanza kutekelezwa lini;
- (c) Je, kulikuwa na makubaliano yoyote baina ya Serikali na wananchi wa maeneo husika juu ya kukubali nyumba

zao zibomolewe walipwe fidia ili ipitishwe njia.

97. MHESHIMIWA PROF. FEETHAM FILIPO BANYIKWA (NGARA):

Atamuuliza Mheshimiwa Waziri Mkuu:- Wilaya ya Ngara imepata sekondari mbili za kidato cha tano na sita ambazo ni Kabanga na Lukole zilizoko karibu na Makao Makuu ya Wilaya ya Ngara:-

Je, ni lini sekondari kama hizo zitajengwa katika Tarafa za Rulenge na Murusagamba ili wananchi wa Tarafa hizo waweze kuhamasika na kupeleka watoto wao katika sekondari za Kata.

98. MHESHIMIWA ERNEST GAKEYA MABINA (GEITA):

Atamuuliza Mheshimiwa Waziri Mkuu:-
Barabara ya kutoka Buzilasoga hadi Lubanga
haipitiki kwa miaka mingi sasa:-

Je, ni lini Serikali itatengeneza barabara hiyo.

WIZARA YA MIUNDOMBINU:

99. MHESHIMIWA PROF. PHILEMON MIKOL SARUNGI (RORYA):

Atamuuliza Mheshimiwa Waziri wa
Miundombinu:- Tangu Mwaka 2004
Serikali aliwaahidi wananchi wa Rorya
pamoja na Mbunge wao kujenga kivuko
cha Kinesi katika Tarafa ya Nyancha ili
kumaliza kero hiyo ambayo ilidumu kwa
muda wa miaka 30:-

(a) Je, ujenzi na ununuzi wa kivuko hicho
utaanza lini;

- (b) Je, kivuko hicho kitaanza kutoa huduma lini.

WIZARA YA FEDHA NA UCHUMI:

100. MHESHIMIWA MHONGA SAID RUHWANYA (VITI MAALUM):

Atamuuliza Mheshimiwa Waziri wa Fedha na Uchumi:- Katika Mkutano wa 18 wakati Serikali ikijibu swali kuhusu fedha za mkopo kwa wajasiriamali ilisema kwamba hakukuwa na fedha kutoka kwenye bajeti ya Serikali, ila Serikali kupitia Benki Kuu (BOT) iliingia Mkataba na Benki za NMB na CRDB na kudhaminiwa bilioni 10.5/=-

- (a) Je, iwapo wajasiriamali hao wameshindwa kurudisha fedha hizo, Serikali kupitia BOT italipa fedha hizo kutoka fungu gani ikiwa udhamini huo haukupitishwa na Bunge;
- (b) Je, kwa nini Serikali ipange kutumia fedha za walipa kodi bila idhini ya Bunge.

101. MHESHIMIWA FUYA GODWIN KIMBITA (HAI):

Atamuuliza Mheshimiwa Waziri wa Fedha na Uchumi:- Zipo kasoro za dhati za usomaji wa Bajeti ya Serikali kipindi cha Juni hadi Agosti katikati:-

Je, Serikali iko tayari kushauriana na nchi zingine wanachama wa Jumuiya ya Afrika Mashariki ili Bajeti zetu zote ziwe zinasomwa kipindi cha Aprili, hadi Juni katikati ili mwaka mpya wa Serikali yaani tarehe 1 Julai, usiwe unaingiliwa.

WIZARA YA MAJI NA UMWAGILIAJI:

102. MHESHIMIWA SIRAJU JUMA KABOYONGA (TABORA MJINI):

Atamuuliza Mheshimiwa Waziri wa Maji na Umwagiliaji:- Mji wa Tabora unakabiliwa na upungufu wa maji safi na salama kutokana na ukongwe wa vyanzo vya maji vya mabwawa ya Igombe (1958) na Kazima (1949) na pia kushindwa kwa Miradi ya Serikali ya Uswisi (SECO) na Tanzania kuonyesha maendeleo ya kuridhisha:-

Je, Serikali inatoa kauli gani kuhusu namna ya kukabiliana na tatizo hilo kwa haraka.

103. MHESHIMIWA MOSSY SULEIMAN MUSSA (MFENESINI):

Atamuuliza Mheshimiwa Waziri wa Maji na Umwagiliaji:- Hivi sasa Duniani kote Sera ya Chakula ina umuhimu wake katika kujitosheleza na pia kuuza kile cha ziada na kwa sababu hiyo Serikali yetu iliandaa

Sera ya Umwagiliaji kwa makusudi ya kukidhi azma hiyo:-

Je, Serikali iko tayari kuanza mpango huo mapema katika mwaka wa fedha wa 2010/2011.

WIZARA YA ELIMU NA MAFUNZO YA UFUNDI:

104. MHESHIMIWA MASOLWA COSMAS MASWOLWA (BUBUBU):

Atamuuliza Mheshimiwa Waziri wa Elimu na Mafunzo ya Ufundi:- Serikali kupitia Wizara ya Elimu na Mafunzo ya Ufundi inawakataa wanafunzi wanaohamia Tanzania Bara wakitokea Tanzania

Zanzibar kuendelea na masomo hasa kwa wale ambao wazazi/walezi wao hawafanyi kazi katika taasisi za Muungano kama vile (JWTZ, Polisi, Uhamiaji na TRA) au kwa wale wanaofiwa na walezi/wazazi, hali inayosababisha wanafunzi hao kushindwa kundelea na masomo:-

Je, ni sababu zipi zinazoifanya Serikali kuwakana wanafunzi hao wasiendeele na masomo yao huku Tanzania Bara.

WIZARA YA AFYA NA USTAWI WA JAMII:

105. MHESHIMIWA SAVELINA SILVANUS MWIJAGE (VITI MAALUM):

Atamuuliza Mheshimiwa Waziri wa Afya na Ustawi wa Jamii:- Mara kwa mara Serikali hutenga fedha na kutafuta Wafadhili kwa ajili ya kusaidia watu wenye ulemavu ili nao wajione sehemu ya jamii

hasa ikizingatiwa kuwa walemavu wengi familia zao hazina uwezo mkubwa:-

Je, ni lini Serikali itakuwa na mpango wa kuvitembelea vituo na shule zenye walemavu Mkoani Kagera ili kuona matatizo yao.

III. HOJA ZA SERIKALI:

WAZIRI WA MAJI NA UMWAGILIAJI:

Kwamba, Bunge likubali kupitisha Makadirio ya Matumizi ya Wizara ya Maji na Umwagiliaji kwa Mwaka wa Fedha, 2010/2011.

**DODOMA
23 JUNI, 2010**

**DKT. T.D. KASHILILAH
KATIBU WA BUNGE**